

Belfeldia Veeties – Leunen veteranen

Belvend, 3 oktober 2000 20

Wedstriedverslaag:

Op deze raegenachtige zaoterdaag, de veerde kiër det het raegende dit jaor, moste de gael-zwarte taege de orange manne oët Leune.

Eine onbekende taegestander, maar als ze in orange speuls, den kens ze get verwachte.

Opstelling:

		Danny (in de kis)	
Joop	Hessel	Tom	
	Sjors		
Stephan	Rob	Roger	Jerome
	Joey	Richard	

Bank: Luc en Peter

Vlagge: Peter

Stip um 15.58 en 36 seconde float ozze scheids Jan aaf.

Dae good nao de fluit had gekeeke, had kenne zeen det die gans vol water stong en det Jan die in eine kier laeg float, net eine fontein. Later zal blieke det Jan nog 13x mos fluite.

Aaftrap, goal, goal, boëtespel, gaol, rôs.

Aaftrap, gaol, gaol, gaol, vreeje trap, gaol, eindsignaal.

In de 3^e minuut was het al geliek raak, ein fijne combinatie van Roger en Joey, dae letste maake met eine strake schuuver de 1-0. De kieper kos de bal al oët het netje haole.

6^e minuut, weer die twië zelfde, Roger goof eine staekpass op maot, en Joey kos weer aafronde, 2-0 De kieper van Leune kôs weer visse.

7^e minuut, het heel neet op, corner, gezatte door Tom, en wie meestal strak veur de kis en zoë auch noow. Roger kôpte bal strak in, taege de lat. De kieper van Leune kreeg al langzaam gries haor, de zoogs hum dinke, wao geit dit haer heej in Belvend.

In de 9^e minuut kreeg zelfs onze rechtsback Joop de bal achter de kieper maar gaol woord aafgekeurd umdet Joop boëtespel stong.

D'r woord leuk en sportief gespeuld door beide partiëje.

15^e minuut weer eine corner, dit kier gezatte door Joey (Tom waas ff drinke, naodors?) auch now strak veur de kis en Roger knikte de bal fijn binne. 3-0. Wat al ein bietje in de loch hong, de kieper van Leune had zich al zoë dôk motte buuke det d'r piën van in de rôk kreeg en zich mos laote vervange. Wie d'r weg leep kôs auch nog zeen det d'r met ein bein trok. De Belvendse manne hadde hum hiëlemaol gesloop.

Op de gladde en naate graasmat woord nog leuk ronk getik en Leune kreeg zelfs ein kans, maar die kans woord onschadelik gemak door onze kieper Danny. Dit waas auch de eenigste kier dat hae de bal kreeg in de iërste helf.

In de 31^e minuut kreeg Tom nog ein groëte kans maar de bal ging maar net naeve de kis, ich dach eine maeter of 8.

Nao 35 minute en 48 seconde float Jan veur de 6^e kier. Rôs.

Jackie had zoë als normaal weer lekkere tiëje gezatte, allein jammer det d'r gen koekjes beej zoote, die hadde we waal verdeend.

Nao ein minuut of 12 float Jan aaf veur de twiëde helf.

Ein minuut kôs Jan weer fluite, de bal loog alweer in de kis van Leune. (de kis is van Belfeldia maar die van Leune moste die bewaake en sjoën haaje, det letste lökte neet zoë good) Roger maake vanaaf de aaftrap eine solo door de ganse orange defentie en goof de bal knap aan Richard, dae kôs de bal met gemaak euver de liën werke, 4-0

Ein paar minuite later kreeg leune de 2^e kans maar de bal ging net naeve.

Belvend waas toch waal geschrooke en bedach zich gen minuut en herpakte zich snel.

Luc kreeg de kans van zien laeve, maar de kieper wis de bal net naeve te tikke.

Joey en Jerome kreege auch nog kanse, maar de scherpe waas ff weg.

In de 8^e minuut twiëde helf maake de altiëd ieverige Roger de 5-0 en Joey 4 minute later alweer zien 3^e van deze wedstried, 6-0.

Verslaaggaever ter plaatse had al eine ganse kladblok vol geschreeve met kanse en neet kanse.

18^e minuut kwaam de altiëd gedreeve Rob binne de liëne en kreeg 2 dotte van kanse maar van schrik kreeg hae de bal neet drin. Ein paar minuite veur tiëd bepaalde de Tegelse stage lauper Richard de eindstand op 7-0

We kenne trûk kieke op eine fijne en sportieve middag met eine gooje scheidsrecher en prima inzet van de Belfeldia manne.

Groete van uche verslaaggaever ter plaatse